



閩媛典第三百十三卷

閩節部列傳一百九十五

皇清四十六

李果琦妻黃氏

姪婦姪女附

按吳江縣志黃氏李果琦妻年二十琦亡撫一歲孤稍長氏日紡績

嘗跪之膝前教以成人禮年六十其子爲母壽氏曰爾父早沒我忍稱壽乎一慟幾絕琦姪文華娶朱氏年二十而寡琦姪女年十八適鄒廷寶二十二而寡家九貧並堅貞守志三十餘年里人李培並爲之傳

鄒雲臺妻王氏

按吳江縣志王氏鄒雲臺妻年二十八夫亡守節六十餘年卒

全道惠妻石氏

按吳江縣志石氏年十九適全道惠一載夫亡殮畢卽閤戶自經鄰媼救之

得不死生遺腹子琳減食育孤辛苦萬狀年六十餘卒

顧咸建女

按吳江縣志顧氏女父咸建崇禎癸未進士幼許字工部主事葉紹袁次子世傳

年十八未婚傳亡以處女終康熙十一年卒年六十當世傳之沒女欲往父母阻之女曰先王

制禮不奪人情情之正卽爲禮大人泥於禮文乎父母終不能屈嗣子舒崇丙辰成進士

葉世俗妻沈氏 按吳江縣志沈氏名憲英副使琬女孫諸生自炳女適工部紹袁第三子諸

生世俗俗有才名氏年十七而嫁十九而俗亡撫嗣子方婚又天貧苦四十五年年六十三卒

宋女景昭 按吳江縣志宋氏女名景昭孝廉宋寶穎女許字孝廉計東子準準殤女長齋諷

經諷畢書黃紙誓天願以己年益父母祈速死以報準康熙十二年卒年二十三

朱繼儒妻張氏 按吳江縣志張氏朱繼儒妻崇禎己巳氏年二十五繼儒客死無子立伯子

虹爲嗣伯念氏貧苦不以孤累之氏曰若此則我可無生不如死中夜自縊繼儒柩側同居姪

覺之及解救始甦伯乃以虹歸之氏晝夜事紡績刀尺衣食之餘遣虹就學虹舉癸卯鄉試而

氏勤劬如故康熙乙卯卒年七十一

葉敷奏妻趙氏 按吳江縣志趙氏諸生士詢女庠生葉敷奏妻敷奏有文譽婚八月死於兵

氏欲從死姑陸氏泣止乃已生遺腹子遴家貧勤紡績以事姑教遴成立爲諸生苦節四十餘

年年六十三卒

謝調恒妻沈氏 按吳江縣志沈氏謝調恒妻年十九歸謝未一月恒死矢志守節六十餘年卒

鈕錫符妻許氏 按吳江縣志許氏鈕錫符妻年二十三錫符死痛哭絕而復甦事姑孝教子嚴苦節五十八年康熙十七年卒

迮斌妻陳氏 按吳江縣志陳氏迮斌妻年二十四歸斌順治乙酉湖寇掠氏翁夫父子四人盡被慘戮聲言有敢取屍者殺亦如之凶問至氏同老僕顧思冒險赴賊巢賊欲加刃氏延頸曰汝寧殺吾而歸吾四屍賊憐而予之時年二十七苦節三十五年康熙庚申年卒

沈善餘妻俞氏 按吳江縣志俞氏沈善餘妻年二十一夫亾撫百日孤事姑以孝稱守節五十七年

曹重仁妻龐氏 按吳江縣志龐氏曹重仁妻年未二十夫亡撫六月孤迄今四十餘年康熙十六年縣令旌其門

陳希曾妻王氏

妾朱氏附

按吳江縣志王氏陳希曾妻曾早喪王與妾朱氏同撫幼孤四十四載

王年八十朱七十康熙十九年縣令旌其門

宋德盛妻周氏 按吳江縣志周氏圻溪宋德盛妻年十八喪夫無子女赤貧撫姪苦守崇禎庚辰有司旌其廬康熙十年卒年八十一

葉世佳妻周氏 按吳江縣志周氏諸生葉世佳妻年二十三夫亡守節五十餘年康熙十六年縣令旌表

李永芳妻徐氏 按吳江縣志徐氏李永芳妻年二十八而寡撫一子甫離襁褓苦節五十年康熙初年卒年七十八

吳學海妻陳氏 按吳江縣志陳氏諸生若愚女年二十歸吳學海八年學海死子方兩月守節三十年康熙十九年卒

陳氏女 按吳江縣志陳氏女許字吳侍御煥曾孫讜未婚而讜亡女年二十聞訃誓死父母議擇配女毀容往守讜喪窮餓無依苦守三十載康熙十九年卒

陸氏女 按吳江縣志陸氏女許字孝廉周昉第四子舊未婚而舊歿氏請於母兄欲歸守志

母兄難之欲死卒從其請清操苦守居小樓中足不常下康熙十九年卒

包掄妻朱氏 按吳江縣志朱氏諸生包掄妻乙酉八月掄死於兵氏年二十九撫二女一姪紡織自給苦節四十年康熙二十年卒

周聖謨妻洪氏 按吳江縣志洪氏生員周聖謨妻年二十七夫死守節三十八年順治初卒康熙二十年有司旌之

項國華妻陸氏 按吳江縣志陸氏項國華妻年二十華亡守節五十年康熙二十一年縣令旌表

吳中信妻鈕氏 按吳江縣志鈕氏吳中信妻信亡氏年十九守節五十餘年卒

陸氏女 按吳江縣志陸氏女許字蕭炎之孫某未婚某亡女年十七誓死以殉康熙二十一年扶病歸蕭而沒乃合葬

張鴻奇妻皇甫氏 按吳江縣志皇甫氏進士張嘉璈次子鴻奇妻奇先抱疴婚月餘疾篤氏籲天求代奇死絕食而卒宗族稱曰貞姑

陳鸞章妻葉氏 按吳江縣志葉氏按察司經歷世璧女乙酉舉人江寧知縣陳格言孫鸞章妻年二十二而寡家貧撫九月孤子讀書自課事父母舅姑盡孝康熙二十三年卒年六十二

李森妻汝氏 按吳江縣志汝氏諸生李森妻訓導汝可起女年二十夫死氏撫嗣子教之成立孝養舅姑守節三十餘年康熙四年卒年五十有二

沈士瑞妻曹氏 按吳江縣志曹氏沈士瑞妻瑞亡氏年十八苦節五十二年康熙二十三年旌表

姚昌時妻宋氏 按吳江縣志宋氏姚昌時妻昌時早亡氏撫三子一女葬翁姑又撫孤孫年八十康熙二十三年縣令表其門

馬塏妻黃氏 按吳江縣志黃氏馬塏妻年十九塏死懷妊三月生男撫之成立備嘗艱苦六十七年

馬堅妻于氏 按吳江縣志于氏馬堅妻年二十九堅亡撫三歲孤苦節四十一年年七十卒

徐鏞妻顧氏 按吳江縣志顧氏徐鏞妻年二十七鏞死無嗣嗣八歲子越十一年而子死媳

又死止一孫撫之成立爲吳縣諸生民年七十人欲聞於上旌其門不許而止

毛錫緋妻葉氏 按吳江縣志葉氏邑諸生世儼女年二十適黎里毛錫緋緋死於順治辛卯民年二十六無子貧無立錐依母家以居工刺繡兼紡織以所獲撫嗣子未三齡死又立嗣撫之成立守節三十五年年六十

陳九鼎妻李氏 按吳江縣志李氏陳九鼎妻甫嫁九鼎死民年十六守志四十年卒

沈應元妻王氏 按吳江縣志王氏沈應元妻年二十九而寡子鼎臣方五歲撫之成立年七十六卒康熙元年旌表鼎臣貌其母走四方求贊

葉世俊妻吳氏 按吳江縣志吳氏御史煥女適葉世俊甫七月俊亡撫嗣子舒仍成立拮据葬舅姑苦志踰四十年康熙元年卒

朱曦妻楊氏

顧氏陸氏附

按吳江縣志楊氏陳思村朱曦妻年二十而寡撫五月孤守節七十三

年卒曦弟臣妻顧氏年二十七寡遺孤六齡守節四十六年曦弟受妻陸氏年二十九而寡無子守節四十五年

趙天岫妻王氏 按吳江縣志王氏行人趙禹欽子天岫妻岫氏年二十四二子未離襁褓
長子天撫次子幹年延師訓誨躬紡績以資之苦節三十年

陳象曦妻葉氏 按吳江縣志葉氏邑諸生鼎新女諸生陳象曦妻年二十五夫亡無子撫嗣
子舜德補烏程學弟子員

孫浚明妻朱氏 按吳江縣志朱氏孫浚明妻嫁甫二十七日夫亡家貧紡績以養舅姑苦節
五十七年年七十有三卒

徐珍采妻姚氏 按吳江縣志姚氏徐珍采妻年二十四夫死勤紡績以養舅姑苦節四十餘
年年六十有七

張世龍妻朱氏 按吳江縣志朱氏張世龍妻年二十二夫死遺孤一歲守節四十年年六十
有三

吳翻妻趙氏 按吳江縣志趙氏諸生吳翻妻年二十三而寡撫一子成立奉姑極孝年六十
有二

金收妻吳氏 按吳江縣志吳氏名貞閨字首良副使瑞徵孫女年十九適邑諸生金收順治戊子收沒氏年二十五無子收有孽子生甫兩月就乳在外氏亟歸之親爲鞠育愛護倍至及授室復天遺孤孫半歲氏又撫之荼苦更甚年六十一終

顧柄南妻張氏 按吳江縣志張氏顧柄南妻甫婚遭翁喪柄南哀毀嘔血至明春死氏年十九無出勞面矢志育姪鼎勳爲子苦節四十二年康熙二十三年

詔建坊旌表

盛時英妻王氏 按吳江縣志王民生員盛時英妻少寡家貧撫育孤幼順治初兵寇搶攘氏暗備刀以戒不虞一日避兵九里湖遇寇舉刀欲自盡忽雷電交作寇舟旋覆氏同二子得脫人咸謂貞節之報守節四十三年卒康熙二十三年有

詔建坊

于啟行妻吳氏 按吳江縣志吳氏于啟行妻年二十一孀居事翁姑盡禮訓遺孤早歲成名康熙四十二年

詔建坊旌表

汪聖教妻潘氏

婦龔氏附

按吳江縣志潘氏汪聖教妻年二十七夫亡守節時值兵荒饑饉幾死

於難卒撫孤科達成立娶媳龔氏二載達天龔年十九育遺腹三賢矢志守節姑媳相依皓首如一潘守四十九年龔守四十二年有司表其門

張名翰妻楊氏

按吳江縣志楊氏張名翰妻年十九而寡家貧無子撫姪嘉縉爲嗣勤紡織

以事翁姑備極艱苦訓嘉縉成立守節三十八年旌表

凌士翱妻倪氏

按吳江縣志倪氏適凌士翱三載而寡撫孤子忍飢寒垂三十年康熙初年

卒

倪逢濂妻胡氏

按常熟縣志胡氏倪逢濂妻年二十三夫亡撫八月遺孤成立康熙二十年

巡撫慕天顏以聞

詔建坊旌表

汪鳴玉妻陳氏

按常熟縣志陳氏汪鳴玉妻原籍歙縣家于吳年十七鳴玉客死蕪湖子之

蕙甫六月陳聞訃絕粒五日舅姑力勸慰乃勉食終養舅姑撫孤子慈順兼至康熙間之蕙例授知縣贈鳴玉文林郎封陳孺人巡撫慕天顏具題

詔建坊旌表

宗彝妻陳氏 按常熟縣志陳氏宗彝妻生員治統女年十八歸彝翁九經以愈運白糧至京沒陳鬻奩資與彝入京輸納扶柩歸彝哀勞成疾未幾亦亾陳年二十一姑老子裔昌方在孩提陳孝養慈撫瑩駟相依及姑歿家已蕩然日勤女紅積其贏以葬三喪置墓田以供祀命裔昌從外祖授學值歲祲糠覈不飽課督未嘗少懈嘗遣昌貸米於城拾一遺簪以歸陳感然曰我得則喜人失則悲命至其所候還之一日旋風吹墮二絹於庭陳曰無妄之獲非我所願且失者必多冤誣訪之則染人方意其傭盜去得此釋然其一介不苟類如此初舅姑歿遺叔妹四人幼爲教育長爲嫁娶咸得其所乙酉父母死於兵爲之營葬年七十六而卒康熙二十三年巡撫余國柱具題

詔建坊旌表

王時卿妻楊氏 按常熟縣志楊氏王時卿妻年三十而寡遺孤在提抱楊苦節撫之翁淵孟以奕師著里中交游滿座突烟常冷楊事之盡力適鄰不戒火所棲一夕而燼貧益難堪賴氏將茶拮据以慰舅姑舅姑沒力營殯葬康熙二十三年有司旌表

王夢鼎妾張氏 按常熟縣志張氏保定知府王夢鼎妾夢鼎娶於龔有淑德慮無子置適娶戴及張龔沒戴生子家震張生家父崇禎己卯夢鼎補知襄城縣累遷保定知府戴與張皆留於家曉暮辟績均勞同苦恆泣下各相慰藉龔家書有云官二千石而家無一歲之儲猶煩此倘之歎可感也壬午龔沒於官戴年三十張二十四計至慟欲絕喪歸哀絰徒跣攜子若女迎柩入所居室曰先人之敝廬魂魄猶戀也上食哭泣哀動路人或謂張年尤少難守張指孤曰吾何難身殉孤在特忍死以俟之耳遂與戴同心守節庀治家政布蔬操作門內肅然順治丁亥戴沒張撫二子延師教誨長而授婚析簪織悉一均晚歲長齋事佛凡歷苦節四十餘年康熙二十五年巡撫湯斌表其廬

朱諒妻蕭氏

許氏陳氏
韓氏女附

按常熟縣志蕭氏朱諒妻諒亡蕭撫子嘉徵早夭嘉徵妻許氏年二

十三撫子廷瑞又天廷瑞妻陳氏年二十八撫子昌齡亦天昌齡聘韓氏女年十四養于朱未
婚昌齡死韓女攜昌齡雙履歸日夕對之泣不半載亦死許年七十陳年六十五矣四世堅貞
竟至無後康熙七年督糧道盧縉表其閭

王孫藝妻丁氏 按常熟縣志丁氏生員王孫藝妻孫藝爲南漳知縣履昌子丁爲吏部郎奉
之曾孫女也孫藝少能文攻苦致疾而沒丁年二十遺腹生子文南時履昌猶在諸生間家四
壁立丁上事舅姑下撫孤子慈孝兼至迨翁遠宦九年棲守一枝惟女紅自給出其贏以修遠
餽佐膏火堅守三十餘年教子成立閭黨賢之康熙十九年縣令林象祖表其門

劉雲昭妻金氏 按常熟縣志金氏劉雲昭妻雲昭本歙縣籍家於蘇幼聰慧絕倫弱冠而天
金年十八孝事舅姑撫子成立苦守三十餘年卒

汪霖妻吳氏 按常熟縣志吳氏汪霖妻霖自浙遷常熟崇禎丙子霖以浙籍中鄉試副榜薦
學賢志沒吳年二十餘茹苦勵節撫子成立康熙七年糧道盧縉旌其門九年十二年歲大祲
吳捐粟三百餘斛賑饑全活甚衆

汪秉文妻董氏 按常熟縣志董氏汪秉文妻年二十七夫亡無子秉文胞弟秉道時方襁褓

董抱而育之守節三十五年卒

陳聖誌妻張氏 按常熟縣志張氏陳聖誌妻年十五歸陳二十二誌亡奉姑鞠子孝慈兼至

守節三十餘年

許世勸妻徐氏 按常熟縣志徐氏許世勸妻年二十二夫亡苦節三十年卒太史黃與堅爲

立傳

顧樹禎妻曹氏 按常熟縣志曹氏顧樹禎妻年十九而嫁二十三而禎亡孝養舅姑姑沒喪

三年畢復代夫服三年族人欲謀奪其志曹毀容自誓教撫二孤自襁褓以迄成立方巖不少

借苦節四十四年年六十六卒

葉日光妻程氏 按常熟縣志程氏禮部儒士葉日光妻故歙縣人年十八歸日光值明季闖

賊之難避居浙之衢州年二十九光沒遺孤四人幼者在襁褓氏拮据衣食以母兼父會常山

賊竊發所在奔竄程計不克久居聞葉之從叔貞如有業在虞山卽提其諸子變服間行伏蘆

漪穿叢薄七日夜水漿不入口僅而得達僑寓常熟之大東門遂爲常熟人事定居安課績訓讀拊茶菴旨其家日起遣長子繼美與其幼弟繼馨往衢而中子繼立季子繼良侍繼馨遂補常山縣學廩生先日光未葬氏曰有待也歲癸亥卜地虞山之西麓遣諸子迎其父柩於衢且至謂諸子曰向惟汝等未成立耳今可報汝父地下矣遂不食諸子子婦及諸孫跽進食不應踰日則又羅拜叩頭出血而請搖手曰無多言越一宿趺坐而逝顏色揚揚如平常年七十有四與日光之柩同日同穴而葬

趙士履妾蕭氏按常熟縣志蕭氏工部都水司員外趙士履妾江都儒家女也年十八歸士履士履初娶歸氏繼娶徐氏事姑王俱以孝聞徐質弱勸士履置適以佐中饋因納蕭蕭事徐曲意將順徐亦憐愛之得歡心士履疾蕭割臂肉和藥進之遂愈後士履以工部員外改韶州府同知過家沒蕭年二十五子延澤甫三歲恩勤教育茶苦備嘗澤長娶婦生子蕭曰向患兒不成立我今乃有孫爲之破顏未幾婦亡踰年延澤遭疾蕭日抱孫呼天延澤竟死氏撫孫見孫生子而沒

錢天錫妻孫氏 按常熟縣志孫氏錢天錫妻貢士朝寧女年十六歸錢二十二而天錫亡遺二女皆配名門撫嗣子成立苦節四十餘年三黨咸欽之康熙十八年縣令表其門

許席之妻顧氏 按常熟縣志顧氏許席之妻年十八而嫁踰年席之患瘵顧百計調護醫藥悉鬻奩貲并十指給之舅姑泣然曰傷哉此吾子償債婦也又五年席之沒舅姑篤老顧竭力致養翁沒家益貧席之無子其兄亦前死遺孤幼兄弟恃此一息顧撫之及授室夫婦俱死熒熒姑媳貧苦相依姑沒喪葬如禮康熙十一年縣令表其門年七十四苦節歷五十餘年

沈錫禧妻邵氏 按常熟縣志邵氏沈錫禧妻年二十而嫁二十八而錫禧亡時康熙三年邵奉舅姑撫子女二十餘年辛勤如一日女長嫁於徐踰年亦寡有謀奪其志者邵諭曰婦人從一而終不可惑女亦哭夫踰年而沒邵課子浚讀書爲諸生

魏耕妻張氏 按常熟縣志張氏魏耕妻年十八而嫁二十九夫亡家貧姑老遺穉中兒熒熒幾無以自活張矢志守節事其姑盡孝養姑沒典鬻殯葬撫子及長拮据爲婚娶歷四十餘年曉昏作苦有司旌其門